

cundo (σ) longiore distinguendus. Corpus sub-elongatum. Caput basi pronoti circiter $\frac{3}{8}$ angustius, verticale, transversum (σ), gula brevissima. Oculi ferruginei. Rostrum sordide testaceum. Antennae (σ) articulo secundo lineari, leviter incrassato, duobus ultimis simul sumtis secundo paullo brevioribus, tertio secundo saltem $\frac{2}{5}$ brevior. Pronotum basi longitudine vix duplo latius, apice longitudine paullo angustiore (σ). Metasternum orificiis albis. Venter medio saepe pallidior. Tibiae etiam anticae nigro-punctatae.

14. **Psallus Fokkeri** Reut.

Superne ruber vel ferrugineo-ruber, nigro-pilosus, pilis fragilibus albis longioribus sub-intricato-pubescentibus; antennis pedibusque flaventibus, illis maris articulo secundo ultimis simul sumtis parum longiore, crassiusculo; femoribus apicem versus rufescentibus, superne parce fusco-punctulatis, inferne tota longitudine seriatim fusco-punctatis, tibiis spinulis nigris e punctis fusco-nigris nascentibus; hemielytris maris longis, totis rubris, solum ipso margine apicali corii albedo; membrana griseo-fumata, macula ad apicem cunei hyalina, venis rubris, areolis totis fumatis; vertice maris oculo sat magno circiter $\frac{1}{3}$ latiore; segmento genitali maris inferne carinato. Long. σ 4 mm.

Hab. in insulis Balearibus (Iviza!), D. Schmiedeknecht.

Descr.: *Ps. Scholtzi* (Mey.) Fieb. affinis, differt colore magis in ferrugineum vergente, vertice maris latiore, venis membranae rubris ejusque areolis totis fumatis. Caput (σ) margine dimidio basali pronoti paullo latius, sordide piscescenti-rufescens, gula haud distinguenda. Rostrum testaceum, apice piceo. Antennae pallide flavo-testaceae, articulo secundo (σ) crassiusculo, margine basali pronoti paululum longiore. Pronotum ferrugineo-rubrum, postice pallidius, sub-cinerascenti-flavens. Scutellum ferrugineo-rubrum. Hemielytra tota ferrugineo-rubra, cuneo toto concolore. Pe-